

朱集四書說

總論


和	書	門
六	三	六
冊	架	函
號	類	

和	書	門
二	四	五
一	三	四
九	一	二
一	一	二


儒家十二ノ一

内閣文庫		
番號	和	24534
冊數	18	(1)
函號	191	119

191-119



糊などで貼り付けられている部分がめくれない箇所あり



朱集

四書說

引

淺草文庫

朱子

著集注

而後諸儒疏解

之多如烟海而其宜備參考

者終莫如語類語類又不如

文集其故何也語類門人之

所輯猶有記錄之誤而至文

集則出其手筆故雖時有未
定之說而其意則瞭然矣然
其簡袞浩瀚而各章之說應
機觸事散見於時事出處問
答議論千緒萬端之間難於
檢出今蒐輯就四書篇章之

次以爲一書名曰朱集四書
說吾儕居常讀集注參以是
書則庶幾以不失其旨而又
可助其發越也若有同好之
士求之者則不敢隱云
享和癸亥七月既望讚州合

田潛撰

朱子文集內係四子義者不論其說
之定與未定列于各章下以便檢閱
一諸家說皆提在前低一字而先生說為本行若
論南軒語說原作分行者今為本行於體製不得
不然也
一但論題目而不可附章下者別為細領各弁其
書

朱集四書說凡例

一集中諸說或別行于世唯以其篇目題成一書
者然後不載他或采入附見或剪綴而散出者無

有限極今盡載之
 一按四庫全書總目解題曰釋宮一舊本題宋
 朱子撰原載晦菴大全集中此其別行之本也然
 實李如圭作編集者誤入故今不載
 一心性仁說及讀蘓氏紀年記程門諸子論學同
 異記謝上蔡論語疑義張無垢中庸解呂氏大學
 解讀余隱之尊孟辨胡子知言疑義答李孝述繼
 善問目之屬干涉四子者并為附錄否者不收
 一凡本文不及四子而自注及之者唯取自注為
 本行其當并存本文者則從其舊

朱集四書說目錄

卷第一

總論

卷第二

大學一

總領

卷第三

大學二

經

傳

卷第四

大學三

或問

卷第五

論語一

細領

序

卷第六

論語二

學而

卷第七

論語三

為政

卷第八

論語四

八佾

卷第九

論語五

里仁

卷第十

雍

論語六

公冶長

卷第十一

論語七

雍也

卷第十二

論語八

述而

卷第十三

論語九

泰伯

卷第十四

論語十

子罕

卷第十五

論語十一

鄉黨

卷第十六

論語十二

先進

卷第十七

論語十三

顏淵

卷第十八

論語十四

子路

卷第十九

論語十五

憲問

卷第二十

論語十六

衛靈公

卷第二十一

論語十七

季氏

卷第二十二

論語十八

陽貨

卷第二十三

論語十九

微子

卷第二十四

論語二十

子張

卷第二十五

論語二十一

堯曰

卷第二十六

孟子一

細領

序

卷第二十七

孟子二

梁惠王上

卷第二十八

孟子三

梁惠王下

卷第二十九

孟子四

公孫丑上

卷第三十

孟子五

公孫丑下

卷第三十一

孟子六

滕文公上

卷第三十二

孟子七

滕文公下

卷第三十三

孟子八

離婁上

卷第三十四

孟子九

離婁下

卷第三十五

孟子十

萬章上

卷第三十六

孟子十一

萬章下

卷第三十七

孟子十二

告子上

卷第三十八

孟子十三

告子下

卷第三十九

孟子十四

盡心上

卷第四十

孟子十五

盡心下

卷第四十一

中庸一

細領

卷第四十二

中庸二

序

卷第四十三

中庸三

第一章

卷第四十四

中庸四

第二章至三十三章

卷第四十五

中庸五

或問

卷第四十六

中庸六

輯畧

卷第四十七

附錄一

心說

卷第四十八

附錄二

性說

卷第四十九

附錄三

卷五十
仁說

司異

卷第五十

附錄四

讀蘇氏紀年

記程門諸子論學異同

記謝上蔡論語疑義

張無垢中庸解

呂氏大學解

卷第五十一

附錄五

讀余隱之尊孟辨

卷第五十二

附錄六

胡子知言疑義

卷第五十三

附錄七

答李孝述繼善問目

朱集四書說目錄

朱集四書說卷之一
 四書
 總論
 嘗聞之人之有是生也天固與之以仁義禮智之性而叙其君臣父子之倫制其事物當然之則矣以其氣質之有偏物欲之有蔽也是以或昧其性以亂其倫敗其則而不知反必其學以開之然後有以正心脩身而為齊家治國之本此人之所以不可不學而其所以學者初非記問詞章之謂而亦非有聖愚貴賤之殊也以是而言則臣之所嘗用力固有可為陸

循

下言者請遂陳之蓋為學之道莫先於窮理窮理之
要必在於讀書讀書之法莫貴於循序而致精而致
精之本則又在於居敬而持志此不易之理也夫天
下之事莫不有理為君臣者有君臣之理為父子者
有父子之理為夫婦為兄弟為朋友以至於出入起
居應事接物之際亦莫不各有理焉有以窮之則自
君臣之大以至事物之微莫不知其所以然與其所
當然而亡纖芥之疑善則從之惡則去之而無毫髮
之累此為學所以莫先於窮理也至論天下之理則
要妙精微各有攸當亘古亘今不可移易唯古之聖

察

忽 忽 忽 忽

人為能盡之而其所行所言無不可為天下後世不
易之大法其餘則頌之者為君子而吉背之者為小
人而凶吉之大者則能保四海而可以為法凶之甚
者則不能保其身而可以為戒是其繁然之跡必然
之效蓋莫不具於經訓史冊之中欲窮天下之理而
不即是而求之則是正牆面而立爾此窮理所以必
在乎讀書也若夫讀書則其不好之者固怠忽間斷
而無所成矣其好之者又不免乎貪多而務廣徃徃
未啓其端而遽已欲探其終未究乎此而忽已志在
乎彼是以雖復終日勤勞不得休息而意緒忽忽常

忽

場

若有所奔趨迫逐而無從容涵泳之樂是又安能深信自得常久不厭以異於彼之急息間斷而無所成者哉孔子所謂欲速則不達孟子所謂進銳者退速正謂此也誠能鑒此而有以反之則心潛於一久而不移而所讀之書文意接連血脉通貫自然漸漬浹洽心與理會而善之爲勸者深惡之爲戒者切矣此循序致精所以爲讀書之法也若夫致精之本則在於心而心之爲物至虛至靈神妙不測常爲一身之主以提萬事之細而不可有頃刻之不存者也一不自覺而馳騖飛揚以徇物欲於軀殼之外則一身無

主萬事無細雖其俯仰顧盼之間蓋已不自覺其身之所在而况能反覆聖言參考事物以求義理至當之歸乎孔子所謂君子不重則不威學則不固孟子所謂學問之道無他末其放心而已矣者正謂此也誠能嚴恭寅畏常存此心使其終日儼然不爲物欲之所侵亂則以之讀書以之觀理將無所往而不通以之應事以之接物將無所處而不當矣此居敬持志所以爲讀書之本也此數語者皆愚臣平生爲學難辛苦已試之效竊意聖賢復生所以教人不過如此不獨布衣韋帶之士所當從事蓋雖帝王之學殆

亦無以易之時以近年以來風俗薄陋士大夫間聞此等語例皆指爲道學必排去之而後已是以食芹之美無路自通每抱遺經徒竊慨歎

第十四甲寅

行宮便殿奏劄

蒙諭第二令孫爲學之意乃能舍世俗之所尚而求夫有貴於己者此蓋家庭平日不言之教有以啓之非面命耳提之所及也熹嘗聞之師友大學一篇乃入德之門戶學者當先講習知得爲學次第規模乃可讀語孟中庸先見義理根原體用之大略然後徐考詩經以極其趣庶幾有得蓋詩經條制不同功夫

有

浩博若不先讀大學論孟中庸令胷中開明自在主宰未易可遽求也爲學之初尤當深以貪多躐等好高尚異爲戒耳然此猶是知見邊事若但入耳出口以資談說則亦何所用之既已知得便當謹守力行乃爲學問之實耳伊洛文字亦多恐難遍覽只前此所稟近思錄乃其要領只此一書尚恐理會未徹不在多看也大學中庸向兩紙呈謬說近多改正且夕別寫并呈近又編小學一書備載古人事親事長洒掃應對之法亦有補於學者併俟錄呈乞賜裁訂以授承學也

第二十六與陳丞相別紙

所

序

病中整頓得中庸孟子頗勝於前恨地遠不得携以請教閑中又無人抄寫拜呈深以為恨耳

第二十七

七答詹師書下同

中庸大學舊本已領二書所改尤多幸於未刻不敢復以新本拜呈幸且罷議他日却附去請教也中庸廊中推本究舜傳授來歷添入一段甚詳大學格物章中改定用功程度甚明刪去辨論冗說極多舊本真是見得未真若論語孟子二書皆蒙明眼似此者破則鄙拙幸無今日之憂久矣

舊讀中庸慎獨大學誠意毋自欺處常苦未之太過

撰

痛

措詞煩猥近日乃覺其非此正是最切近處最分明處乃舍之而談空於亘漠之間其亦悞矣方竊以此意痛自檢勒慄然度日惟恐有怠而失之也至於文字之間亦覺向來病痛不少蓋平日解經最為守章句者然亦多是推衍文義自做一片文字非惟屋下架屋說得意味淡薄且是使人看者將注與經作兩項功夫做了稍看得支離至於本旨全不相照以此方知漢儒可謂善說經者不過只說訓詁使人以此訓詁玩索經文訓詁經文不相離異只做一道看了直是意味深長也中庸大學章句緣此略修一過再

錄上呈然覺其間更有合刪處論語亦如此草定一本未暇暇覽孟子則方欲為之而日力未及也

三十一 答張敬夫書

大學中庸墨刻各二本子魚五十尾并以伴書幸留之它委勿外熹再拜上問

第三十三 答呂伯恭書

下同

昨附去中庸大學等書如何未相見間便中得條示所未安者幸幸
只看得一經或論孟已無餘力矣所抄切已處便中得數段見寄幸甚

近看論孟等書儘更有平高就低處恨未得從容面論耳

第三十四 答呂伯恭書 下同

學中向來畧為說大學近已終篇今却只是令教官挑覆所授論語諸生說未到處略為發明兼亦未嘗輒令講坐侵官瀆告如來教所愿

熹昨見奇卿敬扣之以比日講授次第聞只令諸生讀左氏及諸賢奏疏至於諸經論孟則恐學者徒務空言而不以告也不知是否若果如此則恐未安蓋為學之廊為已而後可以及人達理然後可以制事故程夫子教人先讀論孟次及諸經然後看史其序

升 令

序

差

不可亂也若恐其徒務空言但當就論孟經書中教以躬行之意庶不相遠至於左氏奏疏之言則皆時事利害而非學者切身之急務也其為空言亦益甚矣而欲使之從事其間而得躬行之實不亦背馳之甚乎愚見如此不敢不獻所疑惟高明裁之

第三

十五答呂伯恭書

知言之書用意精切但其氣象急迫終少和平又數大節目亦皆差誤如性無善惡心為已發先知後敬之類皆失聖賢本指頃與欽夫伯恭論之甚詳亦皆有反復雖有小小未合然其大槩亦略同矣文字頗

多未能寫去又有倚撫前輩之嫌亦不欲其流傳也然此等文字且未湏看俟自家於論孟諸經平易明白處見得分明無疑然後可以逐一考究判其是否固未可盡以為是亦未易輕以為非也

第三十五

答劉子澄書

夫子之聖固非以多學而得之然觀其好古敏求實亦未嘗不多學但其中自有一以貫之處耳若只如此空踈杜撰則雖有一而無可貫矣又何足以為孔子乎顏曾所以獨得聖學之傳正為其博文約禮足目俱到亦不是只如此空踈杜撰也子貢雖未得承

承

道統然其所知似亦不在今人之後但未有禪學可
以換耳周程之生時世雖在孟子之下然其道則有
不約而合者反覆來書竊恐老兄於其所言多有未
解者恐皆未可遽以顏曾自處而輕之也顏子以能
問於不能以多問於寡有若無實若虛犯而不撓曾
子三省其身惟恐謀之不忠交之不信傳之不習其
智之崇如彼而禮之卑如此豈有一毫自滿自足強
辨取勝之心乎

第三十六答陸子靜書

熹嘗謂天命之性流行發用見於日用之間無一息
之不然無一物之不體其大端全體即所謂仁而於

方

釐差

其間事事物物莫不各有自然之分如法維上下定
位不易毫釐之間不可差繆即所謂義立人之道不
過二者而二者則初未嘗相離也是以學者求仁精
義亦未嘗不相為用其求仁也克去己私以復天理
初不外乎日用之間其精義也辨是非別可否亦不
離乎一念之際蓋無適而非天理人心體用之實未
可以差殊觀也孟子告齊王曰權然後知輕重度然
後知長短物皆然心為甚王請度之嗚呼此求仁之
方也而精義之本在焉孟子其可謂知言之要矣今
執事以反身自認存真合體者自名其學信有意於

差

求仁矣而必以精義之去為語道之精體而無與乎
學者之用力又以辨是非別可否為空言不充實用
而有害乎簡易之理則熹恐其未得為至當之論也
蓋曰道之精體則義不足以名之以義強名則義之
為名又無所當此蓋原於不知義之所以為義是以
既失其名因昧其實於是乎有空言實用之說此正
告子義外之蔽也既不知義則夫所謂仁者亦豈能
盡得其全體大用之實哉近世為精義之說莫詳於
正蒙之書而五峯胡先生者名宏字仁仲亦曰居敬
所以精義也此言尤精切簡當深可玩味恐執事未

揚

以為然則試直以文義考之精義入神正與利用安
身為對其曰精此義而入於神猶曰利其用而安其
身耳楊子所謂精而精之用字正與此同乃學者用
功之地也若謂精義二字只是道體則其下復有入
神二字豈道體之上又有所謂神者而自道以入神
乎以此言之斷可決矣抑所謂反身自認存真合體
者以孔子克己復禮孟子勿忘勿助之說驗之則亦
未免失之急迫而反與道為二大抵天人初無間隔
而人以私意自為障礙故孔孟教人使之克盡己私
即天理不期復而自復惟日用之間所以用力循循

序

有序不凌不躐則至於日至之時廓然貫通天人之際不待認而合矣今於古人所以下學之序則以為近於傀儡而鄙厭之遂欲由徑而捷出以為簡易反謂孔孟未嘗有分明指訣殊不知認而後合揠苗助長其不簡易而為傀儡亦已大矣熹竊以為日用之間無一事一物不是天真本體孔孟之言無一字一句不是分明指訣故孔子曰吾無隱乎爾又曰天何言哉而子貢曰夫子之文章可得而聞也夫子之言性與天道不可得而聞也夫豈平日雅言常行之外而復有所謂分明指訣者哉此外抵牾尚多然其大

槩節目具於是矣以執事教誨不倦念未有承晤之期不敢久虛大賜是以冒昧罄竭其愚伏惟恕其狂妄少賜覽觀還以一言示及可否虚心以竢知有所疑不敢不以復也

第三十八答江元適書

論語比年畧加工夫亦只是文義訓詁之學終未有脫然處更有詩及孟子各有少文字地遠不欲將本子去又無人別寫得不得相與商確為恨爾

第三

十九答柯國材書

聞祝弟持大學說及觀過知仁辨論去皆是向來草藁往返未定之說渠乃不知本末持去悞人甚不便

體

可為焚之

第三十九答王廷思書

異端害正固君子所當闢然須是吾學既明洞見大本達道之全体然後據天理以開有我之私因彼非以察吾道之正議論之間彼此交盡而內外之道一以貫之如孟子論養氣而及告子養外之非因夷子而發天理一本之大此豈徒攻彼之失而已哉所以推明吾學之極致本原亦可謂無餘蘊矣如此然後能距揚墨而列於聖賢之徒不然說之相訾以客氣爭勝負是未免於前輩自敝之譏也

范伯崇書

第三十九答

顏孟氣象此亦難以空言指說正當熟讀其書而玩味之耳

第四十答何叔京書

恭敬二字語孟之言多矣如敬而無失與人恭而有禮居處恭執事敬行己也恭事上也敬責難於君謂之恭陳善閉邪謂之敬伊川先生言發於外者謂之恭有諸中者謂之敬蓋恭敬只一理表裏之言以此意解語孟之言似不契莫是有輕重否恭主容敬主事自學者而言則恭不如敬之力自成德而言則敬不如恭之安

第四十一答連嵩書

所示語孟諸說深見日來進學之力別紙一一答去

御

更且加意如此探討不已當初得耳

第四十一答

程允文書下同

程子曰孔子言語句句是自然孟子言語句句是事實所謂事實者豈非是當行可行底事耶然未可謂自然者豈以其猶是思焉而得之歟大槩如此更翫味之

程氏教人以論孟大學中庸為本須於此數書熟讀詳味有會心處方自見得如其未然讀之不厭熟講之不厭煩非如釋氏指理為障而兀然坐守無義之語以俟其僥倖而一得也此數書程氏與其門人高

循

弟為說甚詳試訪末之自首至尾循守加功須如小兒授書節節而進乃佳不可匆匆繙閱無補於事又不可雜以他說徒亂宗旨也

如蘇氏之類

第四十三答

陳明仲書

來書所謂發明西洛諸公所未言者即其過處也嘗聞之師曰二蘇聰明過人所說語孟儘有好處蓋天地間道理不過如此有時便見得到皆聰明之發也但見到處却有病若欲窮理不可不論也見到處却有病此語極有味試一思之不可以為平常而忽之也

第四十三答李伯誅書

同

忽 卿

來書云因語孟見理然後知佛氏事理俱無礙之說
熹按上文言因佛學見性此言因語孟見理理與性
同乎異乎幸剖析言之以曉未悟但恐真見語孟所
言之理則釋氏事理無礙之間所礙多矣
大抵聖經惟論孟文詞平易而切於日用讀之疑少
而益多 第四十三答趙佐卿書
此有李伯諫往時溺於禪學近忽微知其非昨來此
留數日蔡季通亦來會劇論不置遂肯捨去舊習此
亦殊不易蓋其人資稟本佳誠心欲爲爲己之學雖
一邊陷溺而每事講究求合義理以故稍悟天命之

性非空虛之物然初猶戀著舊見謂不相妨今則已
脫然矣可尚可尚仲尼焉學體物而不可遺此數義
近皆來問者幸各以數語明之 第四十三答林擇

之書下同

所答二公問甚精當熹亦嘗答之只說得大槩不能
如此之密然勸深又且看語孟大學其意亦如所示
也仲弓一段太迫切觀渠氣質與識致所及似禁不
得如此鉗錘也

所論顏孟不同處極善極善正要見此曲折始無窒
礙耳比來想亦只如此用功熹近只就此處見得向

以

體

來所未見底意思乃知存久自明何待窮索之語是
真實不誑語今未能久已有此驗况真能久邪
竊恐論語孟程之書平易真處更有滋味從前咬嚼
未破所以向此作活計然不敢僭易執此說顧無以
謝其不鄙之意只煩擇之從容為達此懷也

知看語孟有味深慰所願已許誨示幸早寄及也

第四十四答蔡季通書

若要讀書即且讀語孟詩書之屬就平易明白有事
迹可按據處看取道理体面涵養德性本原久之漸
次踏著實地即此等說話須自見得黑白不須如此

勞心費力矣

第四十四答江德功書

且如今書四子之說極荷見教然此書之目只是一
時偶見大學太薄裝不成冊難作標題故如此寫亦
欲見得四書次第免被後人移易顛倒只如大學據
程先生說乃是孔氏遺書而謂其他莫如論孟則其
尊之固在論語之右非熹之私說矣今必欲抑之而
尊論語復何說乎竊恐此意未必為大學壓論語發
恐又只是景迂作崇意欲攬作孟子耳方一揣料失
當所言非是亦告且為平心息怒子細見教使得反
復以究實是之歸幸甚幸甚

第四十五答楊子直

萬

揚

蓋詳來喻正謂日用之間別有一物光暉閃爍動蕩
流轉是即所謂無極之真所謂谷神不死二語皆來
書所引所謂無位真人此釋氏語正谷神之苗長也
學者合下便要識得此物而後將心想象照管要得
常在目前乃為根本功夫至於學問踐履零碎湊合
則自是下一截事與此粗細迥然不同雖以顏子之
初鑽高仰堅瞻前忽後亦是未見此物故不得為實
見耳此其意則善矣然若果是如此則聖人設教首
先便合痛下言語直指此物教人著緊體察要令實

見著緊把捉要常在目前以為直截根原之計而却
都無此說但只教人格物致知克己復禮一向就枝
葉上零碎處做工夫豈不誤人枉費日力耶論孟之
言平易明白固無此等玄妙之談雖以子思周子喫
緊為人特著中庸太極之書以明道體之極致而其
所說用功夫處只說擇善固執學問思辨而篤行之
只說定之以中正仁義而主靜君子修之吉而已未
嘗使人日用之間必求見此天命之性無極之真而
固守之也蓋原此理之所自來雖極微妙然其實只
是人心之中許多合當做底道理而已但推其本則

見其出於人心而非人力之所能爲故曰天命雖萬
事萬化皆自此中流出而實無形象之可指故曰無
極耳若論功夫則只擇善固執中正仁義便是理會
此事處非是別有一段根原功夫又在講學應事之
外也如說求其放心亦只是說日用之間收斂整齊
不使心念向外走作庶幾其中許多合做底道理漸
次分明可以體察亦非捉取此物藏在胸中然後別
分一心出外以應事接物也來書又云事事物物皆
有實理如仁義禮智之性視聽言動之則皆從天命
中來須如顏曾洞見全體即無一不善此說雖似無

病然詳其語脉究其意指亦是以天命全體者爲一
物之渾然而仁義禮智之性視聽言動之則皆是其
中零碎查滓之物初不異於前說也

第四十五答

廖子晦書

熹少好讀程氏書年二十許時始得西山先生所著
論孟諸說讀之又知龜山之學橫出此枝而恨不及
見也

第四十六答李演老書

嘗竊私恠彼中朋友不肯於論語孟子中庸大學深
下功夫而泛觀博取於一時議論之間所以頭緒多
而眼目少規模廣而意味不長試以孟子論子路管

仲處觀之可見其得失矣不審明者以為如何 第

四十六答潘叔度書

看春秋外更誦論孟及看近思錄等書以助其趣乃
佳若只如此實恐枯燥難見功耳 第四十六答黃

仁鄉書

病中看得孟子要略數章分明覺得從前多是衍說
已略脩正寫去此書似有益於學者但不合顛倒却
聖賢成書此為未安耳大學諸生看者多無人處不
如看語孟者漸見次第不知病在甚處似是規模大
廣令人心量包羅不得也 第四十六答黃直鄉書

黃
卿

卿

探

論孟中庸大學乃學問根本尤當專一致思以求其
指意之所在今乃或此或彼泛然讀之此則尤非所
以審思明辨而究聖學之淵源也愚意此四書者當
以序進每畢一書首尾通貫意味浹洽然後又易一
書乃能有益其餘亦損其半然後可以研味從容深
深其立言之旨而無迫切泛濫之累不審賢者以為
如何 第四十七答呂子約書下同

所喻數條足見玩理之深然論孟兩說恐者得太幽
暗支離了所謂欲密而反疎者須更就明白簡約處
看一句只是一句截斷兩頭都無許多枝蔓方是真

實見處也

大抵讀書寬平正大者多失之不精而精密詳審者
又有局促姦巧之病雖云人之情偽有不得不察者
然此意偏勝便覺自家心術亦染得不好了近年此
風頗盛雖純誠厚德之君子亦往往墮於其中而不
自知所以區區常竊憂之而不願子約之爲之也子
約何不試取論語孟子中庸大學等書誥之觀其光
明正大簡易明白之氣象又豈有如此之狡獪切害
處邪世路險窄已無可言吾人之學聖賢者又將流
而入於功利變詐之習其勢不過一傳再傳天下必

厚

讀

有受其禍者而吾道益以不振此非細事也子約思
之如何

夫學者既學聖人則當以聖人之教爲主今六經語
孟中庸大學之書具在彼以了悟爲高者既病其障
礙而以爲不可讀此以記覽爲重者又病其狹小而
以爲不足觀如是則是聖人所以立言垂訓者徒足
以悞人而不足以開人孔子不賢於堯舜而達磨遷
固賢於仲尼矣無乃悖之甚耶前書所示中庸詩頌
西銘等說皆極精密意者後書所謂不能下心細意
特一時憤激所發耳如其不然則不能下心細意於

孔孟乃能下心細意於遷固何耶此則充非區區所
素望於賢者不敢不盡所懷也

讀書如論孟是直說日用眼前事文理無可疑先儒
說得雖淺却別無穿鑿壞了處

約書

第四十八答呂子

講學莫先於語孟而讀論孟者又須逐章熟讀切已
深思不通然後考諸先儒之說以發明之如二程先
生說得親切處直須看得爛熟與經文一般成誦在
心乃可加省察之功蓋與講學互相發明

第四十

九答林伯和書

蓋當
作益

大抵諸經文字有古今之殊又為傳注障礙若非理
明義精卒難決擇不如且讀論孟大學中庸平易明
白而意自深遠只要人玩味尋繹目下便可踐履也

第四十九答陳虜仲書

大學之格物中庸之明善近日方亦看得親切恨相
遠無由面論耳

第五十答潘文叔書

脩得大學中庸語孟諸書頗勝舊本

第五十答潘

恭叔書

示喻日用操存之意甚善甚善用功如此所造豈易
量然亦須藉窮理功夫令自次灑落始有進步處大

學所謂知至而後意誠者正謂此也

第五十答程

正思書下同

所示孟子數條大槩得之但論心處以為此非心之本體若果如此則是本體之外別有一副走作不定之心而孔孟教人却舍其本體而就此指示令做工夫何耶此等處非解釋之誤乃是本原處見得未明無箇涵泳存養田地所以如此更願察之也

前此所示別紙條目雖多然其大槩只是不曾實持得敬不曾實窮得理不曾實信得性善不曾實求得放心而乃緣文生義虛費說詞其說愈長其失愈遠

此是莫大之病只以其間所論曲折及後段克伐怨欲鄉原思學瞻忽前後之類觀之便自可見若果是實嘗下得工夫即此等處自無可疑縱有商量亦須有著實病痛不應如此泛泛矣曾子一段文意雖說得行然似亦未是真見似此等處且須虛心涵泳未要生說却且就日用間實下持敬工夫未取放心然後却看自家本性元是善與不善自家與堯舜元是同與不同若信得及意思自然開明持守亦不費力矣

第五十答周舜弼書

書中所喻兩義比皆改定大學在德粹處孟子似已

寫去矣但所疑搜尋急迫之病恐是用心太過使然
所云發見之端只平日省覺提撕處便是只要人就
此接續向下推究令其開闔即不曾說等待尋討將
來做功夫也今所改者亦其詞有未瑩或重複處耳
大意只是如此也

第五十一答董叔重書

解書難得介曉趙歧孟子拙而不明王弼周易巧而
不明裕物致知正心誠意不可著些纖毫私意在其

中

第五十一答萬正淳書

所論看大學曲折則未然若看大學則當且專看大
學如都未知有它書似逐字逐句一一推窮逐章反
覆通看本章血脉全篇反覆通看一篇次第終而復
始莫論遍數令其通貫浹洽顛倒爛熟無可得看方
可別看一書今方看得一句大學便已說向中庸上
去如此支離蔓衍彼此迷暗互相連累非惟不曉大
學亦無功力別可到中庸矣况所比校初無補於用
力之意徒然枉費心力開立議論番得語言轉多却
於自家分上轉無交涉不可不察也因其本明非是
察識端倪把來玩弄以資談說只是因其已知而益
廣其知因其已能而益精其能耳與湖南說自不同
也

第五十二答吳伯豐書下回

論孟中庸儘待大學通貫浹洽無可得看後方看乃
佳若奔程趨限一向攢了則雖看如不看也近方覺
此病痛不是小事元來道學不明不是上面欠却工
夫乃是下面充無根脚若信得及脚踏實地如此做
去良心自然不放踐履自然純熟非但讀書一事也
大學中庸近看得一過舊說亦多草草恨未得面論
也

所論語孟兩條亦似未安此等處且玩索見在意趣
不須如此立說枉費心力也

書

第五十三答劉仲林

大學中庸看得如何大學近修改一兩處且夕須就
板改定斷乎即奉寄也

第五十三答劉季章書

熹於論孟大學中庸一生用功粗有成說然近日讀
之一二大節目處猶有謬誤不住修削有時隨手又
覺病生以此觀之此豈易事若只恃一時聰明才氣
畧看一過便謂事了豈不輕脫自誤之甚耶呂伯恭
嘗言道理無窮學者先要不得有自足心此至論也
幸試思之

第五十三答胡季隨書下同

來書譏項平父出入師友之間不為不久而無所得
愚亦恐賢者之不見其睫也日月逝矣歲不我與願

深省察且將大學論語孟子中庸近思等書子細玩味逐句逐字不可放過久之須見頭緒不可爲人所誑虛度光陰也

大抵人之一心萬理具備若能存得便是聖賢更有何事然聖賢教人所以有許多門路節次而未嘗教人只守此心者蓋爲此心此理雖本完具却爲氣質之稟不能無偏若不講明體察極精極密往往隨其所偏墮於物欲之私而不自知

近世爲此說者觀其言語動作畧無毫髮

近似聖賢氣象正坐此耳是以聖賢教人雖以恭敬持守爲先而於其中又必使之即事即物考古驗今體會推尋內

外參合蓋必如此然後見得此心之真此理之正而於世間萬事一切言語無不洞然了其白黑大學所謂知至意誠孟子所謂知言養氣正謂此也若如來喻乃是合下只守此心全不窮理故此心雖似明白然却不能應事此固已失之矣後來知此是病雖欲窮理然又不曾將聖賢細密言語向自己分上精思熟索而便勢爲涉獵書史通曉世故之學故於理之精微既不能及又并與向來所守而失之所以悵悵無所依據雖於尋常淺近之說亦不能辨而坐爲所惑也夫謂不必先分儒釋者此非實見彼此皆有所

當取而不可偏廢也乃是不曾實做自家本分功夫
故亦不能知異端詖淫邪道之害茫然兩無所見而
爲是依違籠罩之說以自欺而欺人耳若使自家日
前曾做得窮理功夫此豈難曉之病耶然今所謂心
無不體之物物無不至之心又似只是移出向來所
守之心便就日間所接事物上比較耳其於古今聖
賢指示剖析細密精微之蘊又未嘗入思議也其所
是非取舍亦据已見爲定耳又何以察夫氣稟之偏
物欲之蔽而得其本心正理之全耶便謂存誠愈固
養氣愈充吾恐其察之未審而自許過高異日忽逢

一夫之說又將爲所遷惑而不能自安也

第五十

四答項平父書

大學中庸屢改終未能到得無可改處大學近方稍
似少病道理最是講論時說得透纔涉紙墨便覺不
能及其一二縱說得出亦無精彩以此見聖賢心事
今只於紙上看如何見得到底每一念此未嘗不撫
卷慨然也

第五十四答應仁仲書

只今可且捺下身心除了許多閑說話多方擘畫去
參了邵授一本等合入差遣歸來討一歇泊處將論
語孟子正文端坐熟讀口誦心惟雖已曉得文義亦

憾

須逐字付過洗滌了心肝五臟裏許多忿憾怨毒之
氣管取後日須有進步處不但為今日之路德章而
已也向見伯恭說少時性氣粗暴嫌飲食不如意便
敢打破家事後因久病只將一冊論語早晚閉看忽
然覺得意思一時平了遂終身無暴怒此可為變化
氣質之法不知平時曾與朋友說及此事否德章從
學之久不應不聞如何全不學得些子是可謂不善
學矣

第五十四答路德章書

知讀論孟不廢甚善且先將正文熟讀就自己分上
看更考諸先生說有發明處者博觀而審取之凡一

所有疑
當作石
所

言一句有益於己者皆當玩味未可便恐路經支離
而謂所有不必講也 第五十四答郭希呂書下同
別紙所示看得全未子細更宜加功專看大學首尾
通貫都無所疑然後可讀語孟語孟又無所疑然後
可讀中庸今大學全未曉了而便兼看中庸用心叢
雜如此何由見得詳細耶且更耐煩專一細看為佳
日月易得大事未明甚可懼也
不審所讀何書更能溫習論語并觀孟子尚書之屬
反復諷誦於明白易曉處直截理會為佳切忌穿鑿
屈曲纏繞也 第五十四答包定之書

看論語只看集注誼詠自有味集義或問不必句句
理會却看一經一史推廣此意尤佳

第五十五答

潘謙之書

且讀易傳甚佳但此書明白而精深易讀而難曉須
兼論孟及詩書明白處讀之乃有味耳

第五十五

答符復仲書

論孟解乃為建陽衆人不相關白而輒刊行方此追
毀然聞鬻書者已持其本四出矣問之當可得然乃
是靜江本之未脩者亦不足觀也近為此事所撓甚
悔傳出之太早也

第五十五答 蘇晉叟書

大學語孟說各一通設往此近日所脩定然尚覺得
有硬說費力處煩為一閱見日面論須盡去此等病
方見聖人本意也

第五十六答 趙子欽書

前書所論大學論語大槩皆得之但大學次序亦謂
學之本末終始無非已事但須實進得一等方有立
脚處做得後段功夫真有知驗爾非謂前段功夫未
到即都不照管後段而聽其自爾也聞道方是理會
得為人底道理從此實下功夫更有多少事豈可使
謂都無餘事但到此地即所見不差真有廣居可居
正位可立大道可行向上自然有進處耳

第五十

所論三月不違仁人之生也直先難後獲齊魯之變
中庸之德博施濟衆然而識之德之不侑志於道四
教仁遠等章說皆得之然亦更宜詳味

第五十八

答張仁叔書

今讀來教其觀於當世之變詳矣然認認然常有憂
其不合而必於求合之意其責君子也已詳其徇小
人也已甚是雖憂世之心其深而古之聖賢非不憂
世者其規模氣象似或不如也孟子曰人病舍其
田而耘人之田所求於人者重而所以自任也輕其

論狂狷鄉原之得失以及君子反經之意尤所謂深
切而著明者孔子亦曰古之學者為己今之學者為
人有志之士深省乎此亦足以判然無疑於舜蹠之
間矣不審明者以為如何

第五十八答方平叔書

若夫所謂日用切己之切則聖賢言之詳矣其在大
學論語中庸孟子者文義分明指意平實讀之曉然
如見父兄說門外事無片言半詞之可疑者什八九
也曷為不少置其心於此而必用意於彼之崎嶇哉

第五十八答胡平一書

且附去大學中庸本大小學序兩篇幸視至大學當

在中庸之前熹向在浙東刻本見為一編恐勾倉尚在彼可純求之此三本者昆仲且分讀也近年學者多不讀書見昆中篤志如此甚不易得所恨相聚之晚不得盡吐腹心前日臨歧不勝忡悵然講學貴於實見義理要在熟讀精思潛心玩味不可貪多務得搜獵敷衍便為究竟也二序侍次畧為呈白恐有指摘處便中幸喻及也

第五十八答宋深之書

但朋友只看論語孟子已無餘力何暇更及他書也

第五十八答黃令裕書

示喻為學之意仰見造詣之深不勝歎仰然嘗聞之

為學之實固在踐履苟徒知而不行誠與不學無異然欲行而未明於理則所踐履者又未知其果何事也故大學之道雖以誠意正心為本而必以格物致知為先所謂格物致知亦日窮盡物理使吾之知識無不精切而至到耳夫天下之物莫不有理而其精蘊則已具於聖賢之書故必由是以求之然欲其簡而易知約而易守則莫若大學論語中庸孟子之篇也是以頃年嘗刻四書經於臨漳而復刻此四書以先後其說又略述鄙意以附書後區區於此所以望於當世之友朋者蓋已切矣

第五十九答曹元可

書

知日誦四書時時省察此意甚善但不知何故都無所疑恐只是從頭讀過不曾逐段思索玩味所以不見疑處若果如此則不若且看一書逐段思索反復玩味俟其畢而別換一書之為愈也

第五十九卷

實文御書

示喻為學之方固得其要然若只如此便了則論語只須存此兩條其餘皆可以削去矣聖人教人博學審問謹思明辨而篤行之蓋於理之巨細精粗無所不講然後曾次先輝明徹無所不通踐履服行無非

真實似不當如此先立界限預設嫌疑以自障礙也

第六十卷曾無疑書下同

孝悌為學之意甚荷不鄙但若果有所得出言吐氣便自不同纔見如此分疎解說欲以自見其能而唯恐人之不信便是實無所得自明眼人觀之固不待其詞之畢而有以識之矣孝悌忠恕若淺言之則方是人之常行若不由此即日用之間更無立脚處故聖人之教未嘗不以為先如所謂入則孝出則悌忠恕違道不遠是也若極言之則所謂通于神明光于四海無所不通而曾子所以形容聖人一貫之妙者

亦不過如此又非如前者言之可易而及也故大學之道必以格物致知為先而於天下之理天下之書無不博學審問謹思明辨以求造其義理之極然後因吾日用之間常行之道省察踐履篤志力行而所謂孝悌之至通于神明忠恕之一以貫之者乃可言耳蓋其所謂孝悌忠恕雖只是此一事然須見得天下義理表裏通透則此孝悌忠恕方是活物如其不然便只是箇死底孝悌忠恕雖能持守終身不致失墜亦不免但為鄉曲之常人婦女之檢押而已何足道哉今且以所舉有子曾子之言觀之似於文義之

差

間全未考究雖近世先覺如程夫子之言所以發明其妙者恐皆未嘗過目而經心而況於其他義理精微千差萬別豈能一一會其旨歸也哉故熹竊以為今日與其自辨以求合枉費言語枉費心力不若一切放下便依此說且將大學論語反復熟讀而因程子之言與其門人數公之說以求聖賢之指意所在句句而講字字而思使無毫髮不通透處則自不須如此妄自拘束強作主張也無疑試更思之恐或可信則一兩月間天氣差暖或能乘興一來面罄其說庶幾彼此殫盡免至如此擔閣虛費光陰也

暖

人之為學忌先立標準若循循不已自有所至矣
竊意若以聖人為標準何不可之有若無所指擬
茫然而去將何所歸宿哉伏乞指教

忌先立標準如孟子所謂勿正者學者固當以聖人
為標準然豈可日日比並而較量之乎觀顏子喟然
之嘆不於堅高瞻忽處用功却就博文約禮上進步
則可見矣

第六十卷潘子善書下同

如大學語孟中庸則須循環不住溫習令其爛熟為
佳

良六三不極其隨程子謂二不得以極三之不中

則勉而隨之不極而惟隨也恐惟字未的當若不
極而惟隨則如樂正子之於子敖冉末之於季氏
也當只言不極其所隨故其心不快如孔孟之於
時君諫不行言不聽則去而已勉而隨之恐非時
止之義

得之

第六十卷余彛孫書

大學等書近多改定處未暇錄寄亦有未及整頓者
如論孟函書甚恨其出之早也此間事雖不多然亦
終日擾擾少得暇看文字甚覺歲月之可惜也

第

六十二卷張元德書下同

問

語孟或問乃丁酉本不知後來改定如何

論孟集注後來改定處多遂與或問不甚相應又無
功夫修得或問故不曾傳出今莫若且就正經上玩
味有未通處參考集注更自思索為佳不可恃此未
定之書便以為是也

向來子約每言鄉學之意甚美然於愚意竊恐務實
之意未若好名之多學道之志未若為文之力此亦
鄉黨習尚流風之弊其所從來也遠宜賢者之未免
也自今以往更願反躬自省以擇乎二者之間察其
孰緩孰急以為先後姑屏舊習而取凡聖賢之言若

大學若論孟若中庸者朝夕讀之精思力行以序而
廣使道義之實有以悅於心而充諸已則自將無慕
於外而所以顯親揚名者必有以異乎前日之為矣
若徒以名位之為尊言語之為麗聞譽之為誇而汲
汲乎伐石攻木以為事則是非獨老拙羞之抑子約
平生所望於賢者亦將大不滿於泉下矣

二答王晉輔書

第六十

前此辱書未報今又承惠問尤以愧感詢及所疑足
見嗜學之意但讀論語大學亦是初學門戶且得如
此向前更有多少功夫豈可便慮其雜但此二書亦

李云雜
當作難

須反復熟讀着力研究乃可見其意耳

第六十二

答池從問書

示及函卷各已批注封還幸細考之語孟更須寬心細意看令通徹易則恐未易讀如此穿鑿似枉費心力也蓋易本卜筮之書故先王設官掌於太卜而不列於學校學校所教詩書禮樂而已至孔子乃於其中推出所以設卦觀象繫詞之旨而因以識夫吉凶進退存亡之道蓋聖人當時已曉卜筮之法與其詞意所在

如說田狩即實是田狩說祭祀即實是祭祀征伐昏媾之類皆然非譬喻也

故熟

其間推出此理耳若在今日則已不得其法又不曉

其詞而暗中摸索妄起私意竊恐便有聖賢復生亦未易通與其屈費心力於此不若且看詩書禮樂之為明白而易知也然大學論孟中庸又在四者之先須都理會得透徹方可略看易之大指亦未為晚今所論論語尚爾未通豈宜遽及此耶

第六十二 答

黎季忱書

南康語孟是後來所定本然此讀之尚有合改定處未及下于義理無窮玩之愈久愈覺有說不到處然又只是目前事人自當面蹉過也大學亦有刪定數處未暇錄去今只挾得詩傳一本並新刻中庸一本

與印到程書祭禮并往所寄猪券適足無餘諾及中
庸乃買見成者故紙不佳然亦不闕翻閱也 第六

十三答孫敬甫書

辱書相與之義甚厚而陳義又甚高三復感歎不知
所言然嘗竊謂天下之理萬殊然其歸則一而已矣
不容有二三也知所謂一則言行之間雖有不同不
害其為一不知其一而強同之猶不免於二三况遂
以二三者為理之固然而不必同則其為千里之謬
將不俟舉足而已迷錯於庭戶間矣故明道先生有
言經解有不同處下妨但緊要處不可不同耳此言

有味也所示中庸大學諸論固足以見用力之勤者
然足下不以僕為愚方且千里移書以開講學之端
而先有以啗之曰是不可同同即且為荆舒以禍天
下則僕尚何言哉姑誦其所聞如前者足下儻有意
而往復焉則猶將繼此以進也 第六十三答朱正

甫書

大學中庸無異道而所自立者有淺深但循序以進
其義自見今未須懸料也 第六十四答或人書下

同

義利之大分政侯知之有非他人所及者亦其天資

有過人處若其細微之間則不能無未察處豈其學
有未足故耶觀其讀書之時他人務爲精熟而已則
獨觀大旨此其大者固非人所及而不務精熟亦豈
得無欠闕耶若極言之則以孟子顏子亦未免有如
此處故橫渠先生云孟子之於聖人猶是麤者
或問程子通論聖賢氣象之別者數條子旣着之精
義之首而不列於集注之端何也曰聖賢氣象高且
遠矣非造道之深知德之至鄰於其域者不能識而
辨之固非始學之士所得驟而語也鄉吾着之書首
所以尊聖賢今不列於篇端所以嚴科級亦各有當

焉爾且吾於程子之論讀是二書之法則旣撥其要
而表之於前矣學者誠能深考而用力焉盡此二書
然後乃可與議於彼耳曰然則其用力也柰何曰循
序而漸進熟讀而精思可也曰然則請問循序漸進
之說日以二書言之則先論而後孟通一書而後及
一書以一書言之則其篇章文句首尾次第亦各有
序而不可亂也量力所至約其程課而謹守之字未
其訓句索其旨未得乎前則不敢求其後未通乎此
則不敢志乎彼如是循序而漸進焉則意定理明而
無踈易凌躐之患矣是不惟讀書之法是乃操心之

不

要在始學者之不可可知也曰其熟讀精思者何耶
曰論語一章不過數句易以成誦成誦之後反復玩
味於燕閒靜一之中以須其決治可也孟子每章或
千百言反復論辨雖若不可涯者然其條理踈通語
意明潔徐讀而以意隨之出入往來以千百數則其
不可涯者將可有以得之於指掌之間矣大抵觀書
先須熟讀使其言皆若出於吾之口繼以精思使其
意皆若出於吾之心然後可以有得爾至於文義有
疑衆說紛錯則亦虛心靜慮勿遽取舍於其間先使
一說自爲一說而隨其意之所之以驗其通塞則其

在無義理者不待觀於他說而先自屈矣復以衆說
互相詰難而求其理之所安以考其是非則似是而
非者亦將奪於公論而無以立矣大抵徐行却立處
靜觀動如攻堅木先其易者而後其節目如解亂繩
有所不通則姑置而徐理之此讀書之法也

第七

十四讀書之要

老蘇自言其初學爲文時取論語孟子韓子及其他
聖賢之文而兀然端坐終日以讀之者七八年方其
始也入其中而惶然以博觀於其外而駭然以驚及
其久也讀之益精而其胸中豁然以明若人之言固

予

稱

時
接

當然者然猶未敢自出其言也歷時既久胃中之言
 日益多不能自制試出而書之已而再三讀之渾渾
 乎覺其來之易矣予謂老蘇但為欲學古人說話聲
 響極為細事乃肯用功如此故其所就亦非常人所
 及如韓退之柳子厚輩亦是如此其答李翊韋中立
 之書可見其用力處矣然皆只是要作好文章令人
 祿賞而已究竟何預已事却用了許多歲月費了許
 多精神甚可惜也今人說要學道乃是天下第一至
 大至難之事却全然不曾着力蓋未有能用旬月功
 夫熟讀一人書者及至見人茫然發問臨時捧合不

曾舉得一兩行經傳或文不曾照得一兩處首尾相
 貫其能言者不過以己私意敷演立說與聖賢本意
 義理實處了無干涉何況望其更能反求諸已真實
 見得真實行得耶如此求師徒費脚力不如歸家杜
 門依老蘇法以二三年為期正襟危坐將大學論語
 中庸孟子及詩書禮記程張諸書分明易曉處及復
 讀之更就自己身心上存養玩索着實行履有箇入
 處方好求師證其所得而訂其謬誤是乃所謂就
 道而正焉者而學之成也可冀矣如其不然未見其
 可故書其說以示來者云

齋 齋

堂旁而夾室暇日默坐讀書其間名其左曰敬齋右曰義齋蓋熹嘗讀易而得其兩言曰敬以直內義以方外以為為學之要無以易此而未知其所以用力之方也及讀中庸見其所論脩道之教而必以戒慎恐懼為始然後得夫所以持敬之本又讀大學見其所論明德之序而必以格物致知為先然後得夫所用又有合乎周子太極之論然後又知天下之理幽明鉅細遠近淺深無不貫乎一者樂而玩之固足以

序

齋

終吾身而不厭又何暇夫外慕哉因以敬義云者名吾二齋且歷叙所以名夫堂室之意以見熹之所以受命於父師與其區區講學之所逮聞者如此書之屋壁出入觀者以自詔云

第七十八名堂室記

抑予聞之古人之學博文以約禮明善以誠身必物裕而知至而後有以誠意而正心焉此夫子顏曾子思孟子所相授受而萬世學者之準程也仲本誠察於此有以兩進而夾養焉則夫道學之體用聖賢之德業不在仲本而安歸乎

第七十八後齋記

蓋天聖中洛人太中大夫程公珦初任為黃陂尉秩

齋

滿不能去而遂家焉實以明道元年壬申生子曰顯
字伯淳又以明年癸酉生子曰頤字正叔其後十有
餘年當慶曆丙戌丁亥之間攝貳南安乃得獄掾春
陵周公博願而與之游於是二字因受學焉而慨然
始有求道之志既乃得夫孔孟以來不傳之緒於遺
經遂以其學為諸儒倡則今所謂明道先生伊川先
生是也先生之學以大學論語中庸孟子為標指而
達于六經使入讀書窮理以誠其意正其心脩其身
而自家而國以及於天下其道坦而明其說簡而通
其行端而實是蓋將有以振百代之沉迷而綱之聖

賢之域其視一時之事業詞章論議氣節所繫孰為
輕重所施孰為短長當有能辨之者而世非徒下之
好也甚者乃或日以道學之邪氣而必譏蔑之於斯
時也苟無遺其伐木而削跡焉斯已幸矣尚何望於
其餘哉

第八十黃州列學二程先祠記

人之有是身也則必有是心有是心也則必有是理
若仁義禮智之為體惻隱羞惡恭敬是非之為用是
則人皆有之而非由外鑠我也然聖人之所以教不
使學者收視反聽一以反求諸心為事而必曰興於
詩立於禮成於樂又曰博學審問謹思明辨而力行

學

衰冊

墮

循

之何哉蓋理雖在我而或蔽於氣稟物欲之私則不能以自見學雖在外然皆所以講乎此理之實及其浹洽貫通而自得之則又初無內外精粗之間也世變俗衰士不知學挾冊讀書者既不過於誇多鬪靡以為利祿之計其有意於己者又直以為可以取足於心而無事於外求也是以墮於佛老空虛之邪見而於義理之正法度之詳有不察焉其幸而或知理之在我與夫學之不可以不講者則又不知循序致詳虚心一意從容以會乎在我之本然是以急遽淺迫終已不能浹洽而貫通也嗚呼是豈學之果不可

為書之果不可讀而古先聖賢所以垂世立教者果無益於後來也哉道之不明其可嘆已

第八十鄂

州州學警古閣記

熹年十八九時得拜徐公先生於清湖之上便蒙告以克己歸仁知言養氣之說時蓋未達其言久而後知其為不易之論也

第八十一跋徐誠叟贈揚伯

起詩

熹頃年編次此書錄版建陽學者傳之久矣後細考之程張諸先生說尚或時有所遺脫既加補塞又得毗陵周氏說四篇有半於建陽陳焯明仲復以附于

本章豫章郡文學南康黃某商伯見而悅之既以刻
于其學又慮夫讀者疑於詳略之不同也屬熹書于
前序之左且更定其故號精義者曰要義云淳熙庚
子冬十有一月己丑朔且江東道院拙齋記 第八

十一書語孟安義序後

右曾子書七篇其內篇一外篇雜篇各三吾友清江
劉清之子澄所集錄也昔孔子歿門人唯曾氏為得
其傳其後孔子之孫子思樂正子春公明儀之徒皆
從之學而子思又得其傳以授孟軻故其言行雜見
於論語孟氏書及他傳記者為多然皆散出不成一

家之言而世傳曾子書者乃獨取大戴禮之十篇以
充之其言語氣象視論孟檀弓等篇所戴相去遠甚
子澄蓋病其然因輯此書以傳學者而於其精粗純
駁之際尤致意焉於戲若子澄者其可謂嗜學也已
然熹嘗考之竊以謂曾子之為人敦厚質實而其學
專以躬行為主故其真積力久而得以聞乎一以貫
之之妙然其所以自守而終身者則固未嘗離乎孝
敬信讓之規而其制行立身又專以輕當貴守貧賤
不求人知為大是以從之游者所聞雖或甚淺亦不
失為謹厚怡潔之人所記雖或甚疎亦必有以切於

日用躬行之實蓋雖或附而益之要亦必為如是之言然後得以自託於其間也然則是七篇者等而別之雖有內外雜篇之殊而其大致皆為有益於學者非他書所及也讀者誠能志其大而必謹其小歷其淺而徐望其深則庶乎其無躡等之病而有日新之功矣淳熙八年九月丁丑新安朱熹謹記 第八十

一書劉子澄所編曾子後

聖人作經以詔後世將使讀者誦其文思其義有以知事理之當然見道義之全體而身力行之以入聖賢之域也其言雖約而天下之故幽明巨細靡不該焉欲求道以入德者舍此為無所用其心矣然去聖既遠講誦失傳自其象數名物訓詁凡例之間老師宿儒尚有不能知者况於新學小生驟而讀之是亦安能遽有以得其大指要歸哉故河南程夫子之教人必先使之用力乎大學論語中庸孟子之書然後及乎六經蓋其難易遠近大小之序固如此而不可亂也故今刻四古經而遂及乎此四書者以先後之且考舊聞為之音訓以便觀者又悉著凡程子之言及於此者附於其後以見讀之之法學者得以覽焉抑嘗妄謂中庸雖七篇之所自出然讀者不先於孟

子而遽及之則亦非所以為入道之漸也因竊并記
於此云紹熙改元臘月庚寅新安朱熹書于臨漳郡
齊

第八十二書臨漳所刊四子後

平生所著書惟論語說最後出而洙泗言仁諸葛忠
武侯傳為成書其它如書詩孟子太極圖說經世編
年之屬則猶欲稍更定焉而未及也然其提綱挈領
所以開悟後學使不迷於所鄉其功則已多矣蓋其
常言有曰學莫先於義利之辨而義也者本心之所
當為而不能自己非有所為而為之者也一有所為
而後為之則皆人欲之私而非天理之所存矣嗚呼

至哉言也其亦可謂擴前聖之所未發而同於性善
養氣之功者歟

碑

第八十九右文殿修撰張公神道

西山先生李公有龜山先生楊文靖公之門人也龜
山既受學於河南程氏歸以其說教授東南一時學
者翕然趨之而龜山每告之曰唐虞以前載籍未具
而當是之時聖賢若彼其多也晚周以來下歷秦漢
以迄于今文字之多至不可以數計然曠千百年欲
求一人如顏曾者而不可得則是道之所以傳固不
在於文字而古之聖賢所以為聖賢者其用心必有

在矣及李公請見於餘杭則其告之亦曰學者當知
古人之學何所用心學之將以何用若曰孔門之學
仁而已則何為而謂之仁若曰仁人心也則何者而
謂之人心耶李公受言退求其說以進愈投而愈不
合於是獨取論語孟子之書而伏讀之蚤夜不懈十
有八年然後渙然若有得也龜山蓋深許之而公之
語學者亦曰學者於經讀之又讀而於其無味之處
益致思焉至於羣疑並興寢食不置然後始當驟進
耳

第九十四山先生李公墓表下同

所著書有易傳參同契論孟遺乘及平生遺文合數

十卷藏于家

所集周易大學中庸解又數十卷傳學者

第九十

二知南康軍石君墓誌銘

為人簡靜莊重恭儉信實於婦功不少懈然不務為
纂組華靡之習所以謹嫌微安貧約又有人所難者
喜讀論語大學中庸孟子諸書略通大義每語人曰
吾嘗自省終日之間承上接下幸無一失然後得以
退休而少安此意日新而未已也

第九十二潘氏

婦墓誌銘

晚得末疾猶手抄孔孟言仁梗槩一編日夕玩誦而

檢

又大書躬自厚而薄責於人之語於壁以自警其好
學檢身雖老不倦如此病革却醫藥手書先生有命
富貴在天兩言以示諸子而卒

第九十四滕君希

尹墓誌銘

公之學一本天理充深於易春秋論孟

第九十五

少師魏國張公行狀

既又得浦城蕭公頴子莊劔浦羅公從彥仲素而與
之遊則聞龜山楊氏所傳河洛之學獨得古先聖賢
不傳之遺意於是益自刻厲痛刮浮華以趨本實日
誦大學中庸之書以用力於致知誠意之地

第九

楊

楊

十七皇考吏部朱公行狀

已而聞郡人羅仲素先生得河洛之學於龜山楊文
靖公之門遂往學焉羅公清以絕俗雖里人鮮克知
之見先生從遊受業或頗非笑先生若不聞從之累
年受春秋中庸語孟之說從容潛玩有會於心盡得
其所傳之奧羅公少然可亟稱許焉

第九十七延

平李先生行狀下同

其於語孟他經無不貫達苟有疑問答之必極其趣
然語之而不惰者或寡矣蓋嘗日讀書者知其所言
莫非吾事而即吾身以求之則凡聖賢所至而吾所

差

未至春皆可勉而進矣若直以文字求之悅其詞氣以資誦說其不為玩物喪志者幾希以故未嘗為講解文書然其辨析精微毫釐畢察嘗語問者曰講學切在深潛縝密然後氣味深長蹊徑不羗若槩以理一而不察乎其分之殊此學者所以流於疑似亂真之說而不自知也其開端示人大要類此諸生請曰趙公則聞耳矣敢問濂溪何人也子和具告之故且出其書使之讀之諸生固已風動於是子和又益推本其說以發明六經論孟之遺意晨入寓直之舍諸生迭進問事子和諄諄辨告如教子弟至

暮乃罷日以為常其教大抵以讀書窮理為先持敬修身為主曰此古人為己之學也

和傳

第九十八劉子

大學中庸集註中及大學或問改字處附去可子細看過依此改定令寫但中庸或問改未得了為撓耳

續第一答黃直鄉書下同

得曾致虛書云江東漕司行下南康毀語孟板劉四哥却云被學官回申不可遂已此其勢決難久存知與劉潘諸人相聚甚樂恨不在近資講論之益但春秋難看尤非病後所宜且讀他經論孟之屬如不

卿

食馬肝亦未為不知味也所以答子約者甚佳但恐亦不必如此今所慮者獨恐物不裕知不至耳知至則自見得義利公私之下毫髮不放過也

大學或問齊家治國章今善好惡改作令反其好中庸章句素隱下添隱謂卑陋也在本來之下本無可稱改作本來卑陋

病中看得孟子要略章章分明覺得從前多是衍說已略修正異日寫去此書似有益於學者但不合顛倒却聖賢成書此為未安耳大學諸生看者多無入處不知病在甚處似是規摹太廣令人心量包羅不

段

得也不如看語孟者漸見次第

廣西寄得語孟說來細看亦多合改以鑿藥之擾未得專心方略改得數段甚恨相去之遠不得子細商量也

伯起說去年見陸子靜說游夏之徒自是一家學問不能盡棄其說以從夫子之教唯有琴張曾皙牧皮乃是真有得於夫子者其言恠僻乃至於此更如何與商量討是處也可歎可歎

近日章句集注四書却看得一過其間多所是正深懼向來日用之疏略也

續第二答蔡季通書下同

某數日整頓得四書頗就諸皆爲集註其餘議論別爲或問一篇諸家說已見精義者皆刪去但中庸更作集略一篇以其集解太繁故耳

大學本敬付來人看早早寄及論語方有六篇亦未成次第未可寄也

大學想不輟看誠意兩段竟尋舊藁不見別補去如此可令兒輩剪去舊字別寫此入其間明道說人須自知知自慊之道止有外之心不足以合天地之心恐或舊本不載今可檢寫入因補此兩段覺得舊說儘有合整頓處又是一番功夫耳孟說更煩爲契勘

辭意或小未安一字不遺乃所幸願自覺語意蹇拙終不快利也

始終條理居敬行簡之說則得之矣昨答書中亦有始終一段今不復錄去也

如某目疾亦是如此今乃終日寫書不得一舉首勢必雙瞽而後已耳集註事昨日已失究治今當爲料理可便作一杖來送邑中行遣也來春欲一到精舍或能俱行即同往觀在佳然須有所託以爲詞乃爲便也

伯諫書中說託料理孟子集解今納去舊本兩冊更

拾遺外書記善錄龜山上蔡錄游氏妙旨庭聞彙錄
五臣解取范呂各自抄出每段空一行未要寫經文
且以細書起止寫之俟畢集却剪下粘聚也每章只
作一段章內諸說只依次序列之不必重出經文矣
西匠在此略刊得數行矣字畫頗可觀未可印未得
寄去也但此間獨力深恐校讐不精為後日之累耳
向來見它人刊書重於改補今乃知其非所樂大抵
非身處之則利害不及而心乃公耳
先生諸書想熟觀之矣平日講論甚是如此奇論所
未及者別後始作書請之故其說止此然其大槩可

知矣老兄既知外學之非而欲留意於此恐於論孟
中庸大學之書不可不熟讀而詳味章句之間雖若
淺近不足用心然聖賢之言無不造極學之不博則
約不可守今於六經未能遍考而止以論孟中庸大
學為務則已未為博矣况又從而忽略之無乃太約

乎

續第五答羅參議書

大抵近日議論語孟解已見一二篇雖無鄉時過高
之失而寬縱草率絕難點檢不知何故如此無由相
見殊使人憂之

續第八答李伯諫書

豫章欲刻精義大字版意欲令并刻老兄所增橫渠

陽
便差

諸說此間傳錄未及數篇專作此數字今後遣人訖
借得以付之為幸彼有教授黃君者此邦人甚向學
令寫了即送來此轉寄還不妨也
別第一呂子約
某所為大學論孟說近有為刻板南康者後頗復有
所刊正今內一通暇日一觀為訂其謬并以質於東
溪翁因風見教千萬幸也
別第一劉德裕

示喻蘇程之學愚意二家之說不可同日而語黃門
議論所守僅賢其兄以為顏子以來一人而已恐未
然頃因讀孟子見其所說到緊要處便差了養氣一
章尤無倫理觀此想淵源來歷不甚深也正蒙建陽

舊有本近來久不曾見俟病少間當為尋問也然此
書精深難窺測要其本原則不出六經語孟且熟讀
語孟以程門諸公之說求之涵泳其間當自有得然
後此等文字可循次而及方見好處如今不須雜博
却不濟事無收拾也若果於此有味則世間一種無
緊要文字皆是妄言綺語自無功夫看得矣近集諸
公孟子說為一書已就藁又為詩集傳方了國風小
雅二書皆頗可觀或有益於初學恨不令吾弟見之
又恨相去稍遠不能得吾弟來相助成之也
別第一

三程欽國

某在家應接隨分擾擾偷閑條得中庸及孟子下冊
孟子得公度卷子甚濟事也今且修此經書通鑑看
將來如何恐心目俱昏未必了得終遺恨於身後耳

別第三劉子澄

承喻玩意論孟之書尤覺有味恨不得從容侍教於
前也

別第四白伯元下同

某向來妄意作一二小書初不敢以示人近年自覺
昏憤不復更有長進有欲傳者因以付之今納四書
五冊仰塵燕几恐有悖理幸望指教尚及鐫改也
經說依後書所定甚善但止謂之經說不同諸字尤

好又春秋傳序四字不須別出但序文次行不須放
低則自然可見論語說下不須注孟子附字又欲移
禮記作第七卷而第一行下着二先生三字其後却
題明道生改正大學伊川先生改正大學其小序則
仍舊附於第六卷尾論孟說後蓋此六卷乃其本書
而後一卷今所附者使不相亂乃佳也更白鄭大看
如何向借劉子駒本改字多是胡家改定者非先生
本書今不必用然恐有合參考者偶此本在家中今
令此人去取納上更仔細商量為佳外書既未備不
欲遽出此事正不順忙今草草做了將來有不如意

又不免更易傳者人人殊異無復可信天下後世非
所以為久遠計也并白鄭大者如何示及為幸孟子
解此亦見從頭看起未容寄去更俟幾日也 別第

六林擇之下同


欽夫屢得書有少反復議論未及錄去其大槩曲折
亦非面未易布也力行固不易而講論要得是當亦
復如此之難可歎可懼渠所論如云論孟序中不當
言漢儒得其言而不得其意蓋漢儒雖言亦不得也
不知擇之以為如何某則絕不愛此等說話前輩議
論氣象寬宏而其中自有截然不容透漏處豈若是

之迫切耶

精義印造未辨辨即如所喻也

近看中庸於章句文義間窺見聖賢述作傳授之意
極有條理如繩貫棊局之不可亂因出已意去取諸
家定為一書與向來大學章句相似未有別本可寄
只前日畧抄出節目今謾寄去亦可見其梗槩矣

朱集四書說卷之一



Faint vertical text columns within a black border, likely bleed-through from the reverse side of the page.

